

第三九〇册

明倫彙編

人事典

志願部

感歎部

命運部

壽夭部

(卷)

老一古

六一三

查一齒

查一突

古今圖書集成

中華書局影印

欽定古今圖書集成明倫彙編人事典

第五十七卷目錄

志願部總論

書經

禮記

孔叢子

志願部藝文一

卜居

太元賦

解嘲

解難

遂初賦

幽通賦

顯志賦

思元賦

慰志賦

達旨

與李文德書

述志令

愁思賦

幽思賦

元暢賦

感節賦

潛志賦

七啓

九詠

遂志賦



答伏羲書

懷思賦

與從弟書

遂志賦

思游賦

申懷賦

述志賦

阮籍

夏侯惇

晉羊祜

陸機

摯虞

傅咸

李嵩

人事典第五十七卷

志願部總論

書經

旅獒

玩物喪志

注志者心之所之也大王氏十朋曰玩物則以慾而勝剛故喪志林氏曰以慾如人意而受之則玩弄於物溺志於此而不自覺豈不喪志

志以道寧

注己之志以道而寧則不至於妄發

禮記

曲禮

志不可滿

注志不可滿者人情徧觀在心未見爲志凡人各

有志意但不得自滿故六韜云器滿則傾志滿則覆

孔叢子

居衛篇

志願部藝文一

卜居

屈原既放三年不得復見竭智盡忠蔽障於讒心煩意亂不知所從乃往見太卜鄭詹尹曰余有所疑願因先生決之詹尹乃端策拂龜曰君將何以教之屈原曰吾寧悵悵款款朴以忠乎將送往勞來斯無窮乎寧誅鋁草茅以力耕乎將遊大人以成名乎寧正言不諱以危身乎將從俗富貴以媮生乎寧超然高舉以保真乎將吮晁營慄斯嚙嚙嚙以事婦人乎寧廉潔正直以自清乎將突梯滑稽如脂如韋以絜楹乎寧昂昂若千里之駒乎將汜汜若水中之鳧與波上下偷以全吾軀乎寧與騏驎抗軌乎將隨鸞鳳之迹乎寧與黃鵠比翼乎將與鷙鷂爭食乎此孰吉孰凶何去何從世溷濁而不清蟬翼爲重千鈞爲輕黃鐘毀棄瓦釜雷鳴曉人高張賢士無名吁嗟嚙嚙今誰知吾之廉貞詹尹乃釋策而謝曰夫尺有所短寸有所長物有所不足智有所不明數有所不逮神有所不通用君之心行君之意龜策誠不能知此事

子思謂子上曰有可以爲公之母而富貴人聚不與焉者非唯志乎成其志者非唯無欲乎夫錦繡紛華所服不過溫體三牲大牢所食不過充腹知以身取節者則知足矣苟知足則不累其志矣

太元賦

漢揚雄

觀太易之損益兮覽老氏之倚伏省憂喜之共門兮
察吉凶之同域儼傲著乎日月兮何俗聖之暗燭豈
揭寵以冒災兮將噬臍之不及若飄風不終朝兮驟
雨不終日雷隆隆而輒息兮火猶熾而速滅自夫物
有盛衰兮况人事之所極奚貪婪於富貴兮迄喪躬
而危族豐盈禍所棲兮名譽怨所集薰以芳而致燒
兮膏含肥而見炳翠羽燼而歟身兮蚌含珠而擊裂
聖作典以濟時兮驅蒸民而入甲張仁義以爲綱兮
懷忠貞以矯俗指尊選以誘世兮疾身沒而名滅豈
若師由神兮執元評於中谷納僞辟於江淮兮揖松
喬於華岳升崑崙以散髮兮蹤弱水以濯足朝發軔
於流沙兮夕翔翔乎碣石忽萬里而一頓兮過列仙
以託宿役青要與承戈兮舞馮夷以作樂聽素女之
清聲兮觀宓妃之妙曲姑芝英以聖饌兮飲玉醴以
解渴排閭闔以窺天庭兮騎驛驪以踟躕載黃門與
儼游兮永覽周乎八極亂曰甘餌含毒難數嘗兮麟
而可羈近犬羊兮鸞鳳高翔反青雲兮不掛網羅固
足珍兮斯錯位極離大戮兮屈子慕清羣魚腹兮伯
姬罹名楚厥身兮孤竹二子餓首山兮斷跡屬專何
足稱兮辟斯數于智若淵兮我異於此執太元兮蕩
然肆志不拘轡兮

解嘲

前人

客嘲揚子曰吾聞上世之士人細人紀不生則已生
則上尊人君下榮父母析人之主僞人之僞懷人之
符分人之祿紆青拖紫朱丹其較今于幸得遭明盛
之世處不諱之朝與羣賢同行歷金門十五堂有日

矣曾不能畫一奇出一策上說人主下談公卿目如
耀星舌如電光壹從壹衡論者莫當顧默然而作太
元五千文枝葉扶疎獨說十餘萬言深者入黃泉高
者出蒼天大者含元氣纖者入無倫然而位不過侍
郎擢纔給事黃門意者元得母尚白乎何爲官之拓
落也揚子笑而應之曰客徒欲朱丹吾轂不知一跌
將赤吾之族也往者周網解結羣鹿爭逸離爲十二
合爲六七四分五剖並爲戰國士無常君國亡定臣
得士者富失士者貧矯翼厲翻恣意所存故士或自
感以棄或鑿坏以遁是故鄒衍以顏亢而取世資孟
軻雖連蹇猶爲萬乘師今大漢左東海右渠搜前番
禹後陶塗東南一尉西北一侯徵以糾墨製以鎖鉄
散以禮樂風以詩書曠以歲月結以倚廬天下之士
雷動雲合魚鱗雜襲咸營於八區家家自以爲稷契
人人自以爲咎繇戴縱垂纓而談者皆擬於阿衡五
尺童子羞比晏嬰與夷吾當塗者入青雲失路者委
溝渠巨握權則爲卿相夕失勢則爲匹夫譬若江湖
之涯渤澥之島乘鴈集不爲之多雙鳬飛不爲之少
昔三仁去而殷墟二老歸而周熾子胥死而吳亡種
蠡存而粵伯五殺入而秦喜樂殺出而燕懼范雎以
折摺而危穰侯蔡澤以嚙吟而笑唐舉故當其有事
也非蕭曹子房平勃樊霍則不能安當其無事也章
句之徒相與坐而守之亦亡所患故世亂則聖哲馳
驚而不足世治則庸夫高枕而有餘夫上世之士或
解縛而相或釋褐而傳或倚夷門而笑或橫江潭而
漁或七十說而不遇或立談間而封侯或枉千乘於
陋巷或擁帶篲而先驅是以士頗得信其舌而奮其

筆室隙蹈瑕而無所謂也當今縣令不請士郡守不
迎師羣卿不揖客將相不悅眉言奇者見疑行殊者
得辟是以欲談者卷舌而固聲欲行者擬足而投迹
嚮使上世之士處虛今世策非甲科行非孝廉舉非
方正獨可抗疏時道是非高得待詔下觸聞罷又安
得青紫且吾聞之炎災者滅隆隆者絕觀雷觀火爲
盈爲實天收其聲地藏其熱高明之家鬼瞰其室攫
拏者亡默默者存位極者宗危自守者身全是故知
元知默守道之極爰清爰靜游神之廷惟寂惟寞守
德之宅世異事變人道不殊彼我易時未知何如今
子乃以鷗鴒而笑鳳凰執蠅蛇而嘲龜龍不亦病乎
子徒笑我元之尚白吾亦笑子之病甚不遭與附與
扁鵲也悲夫客曰然則靡元無所成名乎范蔡以下
何必元哉揚子曰范雎魏之亡命也折節拉骸免於
徵索翕肩蹈背扶服入秦激叩萬乘之主界涇陽抵
穰侯而代之當也蔡澤山東之匹夫也領頰折頰涕
唾流沫西指強秦之相撿其咽而亢其氣捐其背而
奪其位時也天下已定金革已平都於雒陽畏敬委
格脫輓掉三寸之舌建不拔之策舉中國徙之長安
適也五帝垂典三王傳禮百世不易叔孫通起於枹
鼓之間解甲投戈遂作君臣之儀得也甫刑靡敵秦
法酷烈聖漢權制而蕭何造律宜也故有造蕭何律
於唐虞之世則詩矣有作叔孫通儀於夏殷之時則
感矣有建婁敬之策於成周之世則繆矣有談范蔡
之說於金張許史之間則狂矣夫蕭規曹隨隨侯畫
策陳平出奇功若泰山響若匣隨唯其人之臆知哉
亦會其時之可爲也故爲可爲於可爲之時則從爲

不可爲於不可爲之時則凶夫蘭先生收功於章臺四皓采榮於南山公孫創業於金馬驕騎發跡於祁連司馬長卿竊譽於卓氏東方朔割名於細君僕誠不能與此數子者並故默默獨守吾太元

解難

前人

客難揚子曰凡著書者爲衆人之所好也美味期乎合口工聲調於比耳今吾子乃抗辭幽說閱意妙指獨馳騁於有亡之際而陶冶大鑪旁羣生歷覽者茲年矣而殊不寤賈費精神於此而煩學者於彼譬畫者畫於無形弦者放於無聲殆不可乎揚子曰俞若夫閔言崇議幽微之塗蓋難與覽者同也昔人有觀象於天視度於地察法於人者天麗且彌地普而深昔人之辭適玉適金彼豈好爲艱難哉勢不得已也獨不見夫翠蚪絳螭之將登虛天必聳身於蒼鷹之淵不階浮雲翼疾風虛舉而上升則不能掀膠葛騰九閏日月之經不千里則不能燭六合耀八紘泰山之高不嶮嶢則不能浮滄雲而散歎烝是以必犧氏之作易也綿絡天地經以八卦文王附六爻孔子錯其象而彖其辭然後發天地之藏定萬物之基典謨之篇雅頌之聲不溫純深潤則不足以揚鴻烈而章緝熙蓋胥靡爲宰寂寞爲尸大味必淡大音必希大語叫呌大道低回是以聲之眇者不可同於衆人之耳形之美者不可混於世俗之目辭之行者不可齊於庸人之聽今夫絃者高張急徵迫趨逐者則坐者不期而附矣試爲之施咸池櫛八莖發簫韶詠九成則莫有和也是故鍾期死伯牙絕絃破琴而不肯與衆鼓攫人亡則匠石斲斤而不敢妄斲師曠之調

鐘鍊知音者之在後也孔子作春秋幾君子之前睹也老聃有遺言貴知我者希此非其操與

遂初賦

劉歆

遂初賦者劉歆所作也歆少通詩書能屬文成帝名爲黃門侍郎中壘校尉侍中奉車都尉光祿大夫歆好左氏春秋欲立於學官時諸儒不聽歆乃移書太常博士責讓深切爲朝廷大臣非疾求出補吏爲河內太守又以宗室不宜典三河徙五原太守是時朝政已多失矣歆以論議見排擯志竟不得之官經歷故晉之域感今思古遂作斯賦以歎往事而寄己意

昔遂初之顯祿兮遭閭閻之開通蹠三台而上征兮入北辰之紫宮侍列宿於鉤陳兮擁太常之樞極總六龍於駟房兮奉華蓋於帝側惟太階之侈闊兮機衡爲之難運懼魁杓之前後兮遂隆集於河濱遭陽侯之豐沛兮乘素波以聊戾得元武之嘉兆兮守五原之烽燧二乘駕而既俟僕夫期而在涂馳太行之嚴防兮入天井之喬關歷岡岑以升降兮馬龍騰以起蹶舞雙鸞以優游兮濟黎侯之舊居心滌蕩以慕遠兮迴高都而北征劇強秦之暴虐兮弔趙括於長平好周文之嘉德兮躬尊賢而下士駕四馬而觀風兮慶辛甲於長子哀衰周之失權兮數困辱而莫扶執孫蒯於屯雷兮救王師於余吾過下虎而歎息兮悲平公之作臺背宗周而不卽兮苟偷樂而情怠枝葉落而不省兮公族聞其無人曰不悛而愈甚兮政委棄於家門載約屨而正朝服兮降皮弁以爲履寶璣石於廟堂兮面隋和而不眡始建衰而造亂兮公

室露此蓬卑悽後君之寄寓兮信靖公之銅鞮趙侯田而長驅兮釋叔向之飛思悅善人之有救分勞祁奚於太原何叔子之好直兮爲羣邪之所忌賴祁子之一言兮幾不免乎徂落雙美不必爲偶兮時有差而不相及雖輶實而求價兮嗟千載其焉甘仲尼之淑聖兮竟墜窮乎陳蔡彼屈原之貞事兮卒放沉於湘淵何方直之難容兮柳下黜而三辱遽獲抑而再犇兮豈材知之不足揚蛾眉而見妒兮固醜女之情也曲水惡直繩兮亦小人之誡也以夫子之博觀兮何此道之必然空下時而離世兮自命己之取患悲積習之生常兮固明智之所別叔草既在早謀兮六卿曲而爲桀苟寅肆而顯恣兮吉射叛而擅兵憎人臣之若茲兮責趙鞅於晉陽軼中國之都邑兮登句注以陵厲歷馬門而入雲中兮超絕轍而遠近濟臨沃而遙思兮忽垂意乎邊都坐蕭條以寥廓兮陵谷錯以盤紆飄飄寂寥以荒陋兮沙埃起而香冥迴風育其飄忽兮迴颺颺之冷淅薄涸凍之凝滯兮弗谿谷之清涼漂積雪之皚皚兮涉凝露之隆霜揚晷夜之復陸兮慨原泉之受陰激流斯之漫漈兮窺九淵之潛淋颯懷愴以慘怛兮感風濛以冽寒獸望浪以穴窟兮鳥脇翼之沒沒山蕭瑟以鳴鳴兮樹木填而哇嗟地坼裂而憤急兮巨石破之崑崙天烈烈以厲高兮摩瑋以梟牢鷹鵠以遲遲兮整鵠鳴而嘈嘈望亭院之噉噉兮飛旗幟之翻翻回百里之無家兮路修遠之縣縣於是勒障塞而固守兮奮武靈之精誠擁趙奢之策慮兮威謀完乎金城外折衝以無虞兮內撫民以永寧既邈客以自得兮唯惕懼於三

寒攸潛溫之元室兮滌濁穢於太清反情素於寂寞
兮居華體之冥冥玩書琴以條暢兮考性命之變態
運四時而覽陰陽兮總萬物之珍怪雖窮天地之極
變兮曾何足乎爾意長恬澹以歡娛兮固聖賢之所
喜亂曰處幽潛德含聖神兮抱奇內光自得真兮籠
幸浮寄兮無常兮寄之去留亦何傷兮大人之度品
物齊兮含位之過忽若遺兮求位得位固其常兮守
信保己比老彭兮

幽通賦

後漢班固

采高項之元肖兮氏中葉之炳靈風而蟬蛻兮
雄朔野以颺聲皇十紀而鴻漸兮有羽儀於上京巨
滔天而混夏兮考選懸以行謠終保己而胎則兮里
上仁之所虛鑄前烈之純淑兮窮與達其必濟若孤
蒙之眇眇兮將圯絕而閭階豈全身之足殉兮達世
業之可懷靖潛處以永思兮經日月而彌遠匪黨人
之最拾兮庶斯言之不玷魂恍恍與神交兮精誠發
於宵寐夢登山而迴眺兮觀幽人之勞瘁覽葛藟而
授余兮脊峻谷曰勿墜盼斯辜而仰思兮心驟騰猶
未察黃神起而靡質兮儀道識以應對曰東高而遷
神兮道遐邇而不迷葛藟絳於樛木兮詠南風以爲
緩蓋惴惴之臨深兮乃二雅之所賦既詠爾以吉象
兮又申之以炯戒蓋孟晉以迄羣兮展條忽其不再
承靈訓其虛徐兮竹盤桓而且俟惟天地之無窮兮
鮮生民之晦在紛由道與蹇連兮何艱多而智寡上
聖達而後拔兮豈羣黎之所繫吾衡叔之御昆兮昆
爲寇而喪予管鸞孤欲覓輔兮健作后而成己變化
故而相說兮執云預其終始弗造憑而先貴兮丁寤

惠而被戮果取弔於迪吉兮王膺慶於所蹇叛迕欠
其若茲兮北虜頗識其倚伏單治裏而外凋兮張修
禪而內逼幸中和爲庶幾兮顏與冉又不得溺招路
以從己兮謂孔氏猶未可安悵悵而不麓兮卒隕身
乎世禍遊聖門而靡救兮雖覆醢其何補固行行其
必凶兮免盜亂爲賴道形氣發於根柢兮柯葉榮而
零茂恐剋剋之責影兮羌未得其云已黎淳耀於高
辛兮半彊大於南汜羸取威於百儀兮姜本支乎三
趾既仁得其信然兮仰天路而同軌東鄰虐而職仁
兮王合位乎三五戎女烈而喪孝兮伯祖歸於龍虎
發還師以成命兮重醉行而自耦震鱗鱗於夏庭兮
匪二正而滅姬翼羽化乎宣宮兮彌五辟而成災道
修長而世短兮變冥默而不周胥仍物而鬼誼兮乃
窮宙而達幽鳩巢姜於孺筮兮且筭祀於契龜宣曹
典敗於下夢兮魯衛名諡於銘諸妣聆呱而劾石兮
許相理而鞠條道混成而自然兮術同原而分流神
先心以定命兮命隨行以消息幹流遷其不濟兮故
遭罹而羸縮三樂同於一體兮雖移易而不忒洞參
差其紛錯兮斯衆兆之所惑周賈豈而賈憤兮齊死
生與禍福抗爽言以矯情兮信畏犧而忘鵬所貴聖
人之至論兮順天性而斷訟物有欲而不居兮亦有
惡而不避守孔約而不貳兮乃輸德而無累三仁殊
於一致兮夷惠舛而齊聲木偃息以著魏兮申重繭
以存荆紀焚躬以衛上兮皓頤志而弗傾侯草木之
區別兮苟能實而必榮要沒世而不朽兮乃先民之
所程觀天網之絃覆兮實榮謀而相訓謨先聖之大
猷兮亦鄰德而助信虞韶美而儀鳳兮孔忘味於千

載素文信而底麟兮漢寶祚於異代精通靈而感物
兮神動氣而入微養流睇而後發兮李虎發而石開
非精誠其焉通兮苟無實其孰信操末技猶必然兮
矧耽躬於道真登孔昊而上下兮緯羣龍之所經朝
貞觀而夕化兮猶諠己而遺形若引彭而惜老兮訴
來哲而通情亂曰天造草昧立性命兮復心弘道惟
賢聖兮渾元運物流不處兮保身遺名民之表兮舍
生取諡亦道用兮憂傷天物忝莫痛兮詰爾太素曷
渝色兮尚越其幾淪神域兮

顯志賦

有唐馮衍

馮子以爲大人之德不碌碌如玉碌碌如石風興
雲蒸一龍一蛇與道翔翔與時變化夫豈守一節
哉用之則行舍之則藏進退無主屈伸無常故曰
有法無法因時爲業有度無度與物趨舍常務道
德之實而不求當世之名闕略杪少之禮蕩佚人
間之事正身直行恬然肆志願嘗好倣儻之策時
莫能聽用其謀喟然長歎自傷不遭久棲遲於小
官不得舒其所懷抑心折節意悽情悲夫伐冰之
家不利鷄豚之息委積之臣不操市井之利况歷
位食祿二十餘年而財產益狹居處益貧惟夫君
子之仕行其道也慮時務者不能與其德爲身求
者不能成其功去而歸家復羈旅於州郡身愈據
職家彌窮困卒離饑寒之災有喪元子之禍先將
軍葬渭陵哀帝之崩也營之以爲園於是以新豐
之東鴻門之上壽安之中地執高敞四通廣大南
望鄜山北屬涇渭東瞰河華龍門之陽三晉之路
西顧鄠鎬周秦之丘宮觀之墟通視千里覽見舊

都遂定塋焉退而幽居蓋忠臣過故墟而歎歎孝子入舊室而哀歎每念祖考著盛德於前垂鴻烈於後遭時之禍墳墓蕪穢春秋蒸嘗昭穆無列年衰歲暮悼無成功將西田牧肥饒之野殖生產修孝道營宗廟廣祭祀然後闔門講習道德觀覽乎孔老之論庶幾乎松喬之福上隴阪陟高岡游精宇宙流目八紘歷觀九州山川之體追覽上古得失之風愍道陵遲傷德分崩夫觀其終必原其始故存其人而誄其道疆理九野經營五山眇然有思凌雲之意乃作賦自厲命其篇曰顯志願志者言光明風化之情昭章元妙之思也其辭曰

開歲發春兮百卉含英甲子之朝兮汨吾西征發軔新豐兮徘徊銅京陵飛廉而太息兮登平陽而懷傷悲時俗之險阨兮哀好惡之無常棄衡石而意量兮隨風波而飛揚紛綸流於權利兮親雷同而妒異獨耿介而慕古兮豈時人之所意沮先聖之成論兮邈名賢之高風忽道德之珍麗兮務富貴之樂耽遵大路而徘徊兮履孔德之竊冥固衆夫之所眩兮孰能觀於無形行動直以離尤兮羌前人之所有內自省而不慚兮遂定志而弗改欣吾黨之唐虞兮愍吾生之愁勤聊發憤而揚情兮將以蕩失憂心往者不可攀援兮來者不可與期病沒世之不稱兮願橫逝而無由陟雍時而消搖兮超略陽而不反念人生之不再兮悲六親之日遠陟九畹而臨峻嶸兮聽涇渭之波聲顧鴻門而歎歎兮哀吾孤之早零何天命之純兮信吾罪之所生傷誠善之無辜兮齋此恨而入冥嗟我思之不遠兮豈敗事之可悔雖九死而不瞑

今恐余殃之有再淚汎瀾而雨集兮氣滂沱而雲披心拂鬱而紆結兮意沉抑而內悲耿太行之嵯峨兮觀壺口之崢嶸悼丘墓之蕪穢兮恨昭穆之不榮放忽忽而日邁兮壽冉冉其不與恥功業之無成兮赴原野而窮處兮昔尹之干湯兮七十說而乃信阜陶釣於雷澤兮賴虞舜而後親無二士之遭遇兮抱忠貞而莫達率妻子而耕耘兮委厥美而不伐韓盧抑而不縱兮騁驥絆而不試獨慷慨而遠覽兮非庸庸之所識卑衛賜之阜貨兮高顏回之所慕重祖考之洪烈兮故收功於此路循四時之代謝兮分五土之刑德相林麓之所產兮當水泉之所施修神農之本業兮採軒轅之奇策追周棄之遺教兮軼范蠡之絕迹陟隴山以踰望兮眇然覽於八荒風波飄其並與兮情惆悵而增傷覽河華之決滌兮望秦晉之故國憤馮亭之不遂兮慍去疾之遭惑流山岳而周覽兮徇碣石與洞庭浮江河而入海兮沂淮濟而上征瞻燕齊之舊居兮歷宋楚之名都哀羣后之不祀兮痛列國之爲墟馳中夏而升降兮路紆軫而多艱諸聖哲之通論兮心憶憶而紛紜惟天路之同軌兮或帝王之異政堯舜煥其蕩蕩兮禹承平而革命并日夜而幽思兮終慘憺而洞疑高陽邈其超遠兮世孰可與論茲訊夏啓於甘澤兮傷帝典之始傾頌成康之載德兮誅南風之歌聲思唐虞之晏晏兮損稷契與爲朋苗裔紛其條暢兮至湯武而勃興昔三后之純粹兮每季世而窮禍弔夏桀於南巢兮哭殷紂於牧野詔伊尹於亳郊兮享呂望於鄴州功與日月齊光兮名與三王爭流楊朱號乎衢路兮墨子泣乎白絲

知漸染之易性兮怨之作之弗思美關雎之識微兮愍王道之將崩披周唐之盛德兮招桓文之謫功忿戰國之運禍兮憎權臣之擅強黜楚子於南郢兮執趙武於渙梁善忠信之救時兮惡詐謀之妄作聘申叔於陳蔡兮摘荀息於康號誅鞏鉏之介聖兮討臧會之愆知嬖于反於彭城兮爵管仲於夷儀疾兵革之變滋兮苦攻伐之萌生沉孫武於五湖兮斬白起於長平惡蓋巧之亂世兮毒縱橫之敗俗流蘇秦於涇水兮函張儀於鬼谷潛德化之陵遲兮烈刑罰之峭峻燔西轅之法術兮燬韓非之說論謂始皇之跋扈兮投李斯於四裔滅先王之法則兮禍浸淫而弘大援前聖以制中兮矯二主之驕奢儲齊女於絳臺兮響椒舉於章華擢道德之光耀兮匡衰世之眇風褒宋襄於泓谷兮表季札於延陵撫仁智之英華兮激亂國之末流觀鄒魯於漆洧兮訪晏嬰於營丘日晡晡其將暮兮獨於邑而煩惑夫何九州之博大兮迷不知路之南北騁素蚪而馳騁兮乘聚雲而相伴就伯夷而折中兮得務光而愈明款子高於中野兮遇伯成而定慮飲真人之美德兮淹躊躇而弗去意割慍而不謐兮俟回風而答與求善卷之所存兮遇許由於負黍勒吾車於箕陽兮秣吾馬於穎許聞至言而脫領兮還吾反乎故宇覽天地之幽奧兮統萬物之維綱究陰陽之變化兮昭五德之精光躍青龍於滄海兮攀白虎於金山鑿巖石而爲室兮託高陽以養仙神雀翔於鴻崖兮元武潛於嬰冥伏朱樓而四望兮採三秀之華英纂而修之姤節兮曜往昔之光勳披綺季之麗服兮揚屈原之靈芬高吾冠之岌岌

哀兮長吾佩之洋洋飲六體之清液兮食五芝之茂
英捷六枳而爲籬兮築憲若而爲室播蘭芷於中庭
兮列杜蘅於外術撒射干而維靡無令構木蘭與辛
夷光鳳冠而燭耀兮紛紛郁郁而暢美華芳聘其發越
兮時恍惚而莫賞非惜身之軼軻兮憐衆美之憔悴
遊精神於大宅兮抗元妙之常操處清淨以養志兮
實吾心之所樂山峨峨而造天兮林冥冥而暢茂鸞
回翔索其羣兮鹿哀鳴而求其友謂古今以散思兮
覽聖賢以自鎮嘉孔丘之知命兮大老聘之貞元德
與道其孰寶兮名與身其孰親陵山谷而問處兮守
寂寞而存神夫莊周之釣魚兮辭卿相之顯位於陵
子之灌園兮似至人之髡鬻蓋隱約而得道兮光窮
悟而入術離塵垢之竊冥兮配喬松之妙節惟吾志
之所庶兮固與俗其不同既儼儼而高引兮願觀其
從容

思元賦

張衡

仰先哲之元訓兮雖歷高而弗違匪仁里其焉宅兮
匪義跡其焉追潛服膺以永靖兮綿日月而不衰伊
中情之信修兮慕古人之貞節神余身而順止兮遵
繩墨而不跌志博博以應懸兮誠心固其如結旋性
行以制佩兮佩夜光與瓊枝繡幽蘭之秋華兮又綴
之以江離美髮積以醑烈兮允慶遇而難虧既吟麗
而鮮雙兮非是時之攸珍奮余榮而莫見兮播余香
而莫聞幽獨守此仄陋兮敢忘遠而企勤幸二八之
還庚兮嘉傳說之生殷尚前良之遺風兮惆悵反而
無及何孤行之荒荒兮予不羣而介立感鸞鷟之特
棲兮悲淑人之稀合彼無合其何傷兮思衆偶之目

眞且獲譴於羣弟兮啓金縢而乃信覽蒸民之多僻
兮畏立辟以危身曾煩毒以迷惑兮羌孰可與言己
私泄憂而深懷兮思續紛而不理願竭力以守義兮
雖貧窮而不改執離虎而試象兮臨焦原而跟止庶
斯奉信以周旋兮要既死而後已俗遷渝而事化兮
混規矩之圓方珍蕭艾於重霄兮謂蕙芷之不香斥
西施而弗御兮繁驥裏以服箱行頗僻而獲志兮循
法度而離殃惟天地之無窮兮何遭遇之無常不抑
操而苟容兮譬臨河而無航巧笑以干媚兮非余
心之所嘗襲溫恭之黻衣兮被禮義之繡裳辯貞亮
以爲釐兮雜技藝以爲珩昭綠藻以雕琢兮瓊聲遠
而彌長淹棲遲以恣欲兮曜靈忽其西藏待己知而
華予兮遇鳩鳴而不芳冀一年之三秀兮適白露之
爲霜時臺臺而代序兮疇可與乎比仇咨妒嫺之難
並兮想依韓以流亡恐漸冉而無成兮畱則蔽而不
彰心猶豫而狐疑兮即歧趾而蘊情文君爲我端著
兮利肥遁以保名歷衆山以周流兮翼迅風以揚聲
二女感於崇岳兮或冰折而不營天蓋高而爲澤兮
誰云路之不平動自強而不息兮蹈玉階之嶢嶢懼
筮氏之長短兮鑽東龜以觀視遇九臯之介鳥兮怨
素意之不呈遊塵外而瞥天兮據冥翳而哀鳴鵬鴉
競於貪婪兮我修潔以益榮子有故於元鳥兮歸母
氏而後寧占既吉而無悔兮簡元辰而俶裝旦余沐
於清源兮晞余髮於朝陽漱飛泉之瀝液兮咀石菌
之流英翔鳥舉而魚躍兮將往走乎八荒過少皞之
窮野兮問三丘於句芒何道眞之淳粹兮去穢累而
影輕登蓬萊而容與兮趨雖拊而不傾留瀛州而採

芝兮聊且以乎長生憑歸雲而遐逝兮夕余宿乎扶
桑飲青岑之玉醴兮餐沆瀣以爲糧發昔夢於木禾
兮穀崑崙之高岡朝吾行於陽谷兮從伯禹乎稽山
嘉羣神之執玉兮疾防風之食言指長沙以邪徑兮
存重華乎南鄉哀二妃之未從兮翩續處彼湘濱流
目眺夫衡阿兮覩有黎之圯墳痛火正之無懷兮託
山陂以孤魂愁鬱鬱以慕遠兮越卬州而遨遊躋日
中於昆吾兮憩炎火之所陶揚芒熒而絳天兮水沚
云而涌濤溫風翕其增熱兮怒鬱鬱其難聊聊羈旅
而無友兮余安能乎畱茲顧金天而歎息兮吾欲往
乎西嬉前祝融而使舉塵兮纔朱鳥以承旗建木
於廣都兮撫若華而躊躇超軒轅於西海兮跨汪氏
之龍魚聞此國之千歲兮會焉足以娛余思九土之
殊風兮從蓐收而遂徂歟神化而蟬蛻兮朋精粹而
爲徒蹶白門而東馳兮云台行乎中野亂弱水之潺
湲兮逗華陰之湍渚號馮夷俾清津兮擢龍舟以濟
予會帝軒之未歸兮悵倘佯而延佇泗河林之蓁蓁
兮俾開離之戒女黃靈啓而訪命兮穆天道其焉如
曰近信而遠疑兮六籍闕而不書神遠昧其難覆兮
疇克謀而從諸牛哀病而成虎兮雖逢昆其必噬鼯
令殪而尸亡兮取蜀禪而引世死生錯其不齊兮雖
司命其不嗣實號行於代路兮後膺祚而繁庶王肆
後於漢庭兮卒銜恤而絕緒尉龐眉而郎潛兮逮三
葉而邁武董弱冠而司哀兮設王隧而弗處夫吉凶
之相仍兮恆反側而靡所穆屈天以悅牛兮登亂叔
而幽主文斷袪而忌伯兮聞謁賊而寧后通人聞於
好惡兮豈昏惑之能剖靈臆識而戒胡兮備諸外而

發內或輩賄而違車兮孕行產而爲對慎寵顯於言
天兮占水火而妄訊梁叟患支黎丘兮丁厥子而刺
刃親所睨而弗識兮矧幽冥之可信無絲攀以萍已
兮思百憂以自疹彼天監之孔明兮用柴忱而祐仁
湯獨體以禱祈兮蒙庇祝以拯民景三慮以營國兮
榮惑次於他辰魏顧亮以從治兮鬼元回以斃秦咎
繇邁而種德兮樹德懋於英六桑未寄夫根生兮卉
既彫而巳育有無言而不酬兮又何往而不復盍遠
迹以飛聲兮孰謂時之可蓄仰矯首以遙望兮魂微
惻而無僞逼區中之隘陋兮將北度而宜游行積冰
之皚皚兮清泉亟而不流寒風淒而末至兮拂穹岫
之騷騷元武縮於殼中兮騰蛇蛻而自糾魚矜鱗而
并凌兮鳥登木而失條坐太陰之屏室兮慨含秋而
增愁怨高陽之相寓兮恤顛項而宅幽庸織路於四
裔兮斯與彼其何瘳望寒門之絕垠兮縱余縲乎不
周迅森浦其膝我兮驚翩飄而不禁越谿壑之洞穴
兮漂通川之琳琳經重陰干寂寞兮愁墳羊之潛深
追荒忽於地底兮軼無形而上浮出石密之闇野兮
不識蹊之所由速燭龍兮執炬兮過鍾山而中休歇
瑤谿之赤岸兮甲祖江之見劉聘王母於銀臺兮羞
玉芝以療飢戴勝愁其既歎兮又謂余之行遲載太
華之玉女兮名洛浦之處妃咸蛟麗以蠶媚兮增嫵
眼而蛾眉舒諄嬌之纖腰兮揚雜錯之袿徽離朱脣
而微笑兮顏的礫以遺光獻環珮與琛綺兮申厥好
之元黃雖色艷而賂美兮志浩蕩而不嘉雙材悲於
不納兮並詠詩而清歌歌曰天地細縹百卉含葩鳴
鶴交頸雉鳩相和處子懷春精魂回移如何淑明忘

我實多將答賦而不暇兮爰整駕而亟行瞻崑崙之
巍巍兮臨繁河之洋洋伏靈龜以負坻兮互螭龍之
飛梁登閭風之層城兮構不死而爲牀屑瑤藥以爲
糈兮斟白水以爲漿抨巫咸使占夢兮乃貞吉之元
符滋令德於正中兮含嘉秀以爲敷既垂穎而顧本
兮亦要思乎故居安和靜而隨時兮姑純懿之所廬
戒庶寮以夙會兮僉供職而並廷豐隆軒其震霆兮
列缺騰其照夜雲師隼以交集兮東雨沛其灑塗輶
琬與而樹葩兮擾應龍以服輅百神森其備從兮屯
騎羅而星布振余袂而就車兮修劒揭以低昂冠留
岳其映蓋兮佩綵纒以輝煌僕僕其微其正策兮八
飛騰而超驥氣旋溶以天旋兮蜺旌飄以飛颺撫軫
而還睨兮心勾漢其若湯燙上都之赫戲兮何迷故
而不忘左青瑁之捷芝兮右素威以司鉞前長離使
拂羽兮後委水衡乎元冥屬箕伯以函風兮澄洪浼
而爲清曳雲旗之離離兮鳴玉駕之豐響涉清霄而
升遐兮浮蟻蝶而上征紛翼翼以徐展兮參回同其
揚靈叫帝閭使闢扉兮覲天皇於瓊官聆廣樂之九
奏兮展洩洩以彤彤考治亂於律均兮意建始而思
終惟般逸之無斂兮懼樂往而哀來素女撫絃而餘
音兮太容吟曰念哉既防溢而靖志兮追我暇以翺
翔出紫宮之肅肅兮集太微之閭闔命王良掌策駟
兮踰高閣之將將建罔車之幕幕兮獵青林之芒芒
彎威弧之拔刺兮射蟠冢之封狼觀壁壘於北落兮
伐河鼓之磅礴乘天潢之汎汎兮浮雲漢之湯湯倚
招搖攝提以低回剋流兮祭二紀五緯之網繆適皇
偃蹇天矯婉以連卷兮雜沓叢頌颯以方驤絨汨颯

晨沛以罔象兮爛漫靡靡貌以迭遶凌驚雷之吼礪
兮弄狂電之淫裔臨濛濛於宕冥兮貫倒景而高厲
臨邊盡其無涯兮乃今窺乎天外據開陽而顛軼兮
臨蒼邇之暗澹悲離居之勞心兮情悵悵而思歸魂
眷眷而展顧兮馬倚轡而徘徊踟躕遊以輪攀兮豈
恐暮之可懷出閭闔兮降天巡乘歲忽兮馳虛無雲
霏霏兮繞余輪風眇眇兮震余旗續續兮紛昭燿
條眩眩兮反常閭收時昔之逸豫兮卷淫放之遐心
修初服之娑娑兮長余佩之參參文章煥以繁爛兮
美紛紜以從風御六藝之珍駕兮遊道德之平林結
典籍而爲啓兮敲牋墨而爲禽玩陰陽之變化兮詠
雅頌之微音素旨氏之歸耕兮慕歷阪之欽餐恭風
夜而不寐兮固終始之所服夕惕若厲以有警兮懼
余身之不勅苟中情之端直兮莫吾知而不忍默無
爲以凝志兮與仁義乎逍遙不出戶而知天下兮何
必歷遠以勸勞系曰大長地遠歲不爾俟河之清祇
懷憂願得遠渡以自娛上下無常第六區超踰騰躍
絕世俗飄飄神舉是所欲天不可階仙夫稀杳杳
悄吾不飛松喬高時孰能離結精遠遊使心攜廻志
場來從元謀獲我所求夫何思

懋志賦

崔篆

嘉昔人之邁辰兮美伊傅之選時應規矩之淑質兮
過班倕而裁之協準矧之貞度兮同斷金之元策何
天道於盛世兮起千載而華績豈修德之極致兮將
天祚之攸適懋念生之不造兮丁漢氏之中微氣竟
鬱以橫厲兮義和忽以潛離六柄制於東門兮王綱
摧以陵遲黎共奮以跋扈兮羿浞狂以恣睢賂慢藏

而乘費今竊神器之萬機思輔弼以殫存分亦號咷以訓咨嗟三事之我負今乃迫余以天威蓋無熊係之微介今悼我生之赫夷庶明哲之末風兮懼大雅之所譏遂翕翼以委命今受符守乎長維恨遭閉而不隱兮違石門之高蹤揚蛾眉於復關兮犯孔戒之冶容懿氓蚩之悻悔兮慕白駒之所從乃稱疾而歷復兮歷三祀而見許悠輕舉以遠遁兮託峻嶮以幽處靜潛思於至願兮騁六經之奧府皇載命而紹郵兮乃眷顧乎建武運機槍以電掃兮清六合之土宇聖德滂以橫被兮黎庶懽以鼓舞闕四門以博延兮彼幽牧之我舉分畫定而計決兮登云貴乎彼鄙苟遂懸車以繫馬兮絕時俗之進取歎暮春之成服兮閭衡門以掃軌聊優游以末日兮守性命以盡齒貴啓體之歸全兮庶不忝乎先子

達旨

崔駰

或說已曰易稱備物致用可觀而有所合故能扶陽以出順陰而入春發其華秋收其實有始有極爰登其質今子繼精六經服膺道術歷世而游高談有日俯鈞深於重淵仰探遠乎九乾窮至隨於幽微測潛隱之無源然下不步卿相之庭上不登王公之門進不黨以讀己退不讓於庸人獨師友道德合符襄其抱景特立與士不羣蓋高樹蔭陰獨木不林隨特之宜道貴從凡於時太上運天德以君世憲王僚而布官臨雍泮以恢儒甄軒冕以崇賢率惇德以厲忠孝揚茂化以砥仁義遇利器於良材求鎮鄒於明智不以此時攀台階闕紫闥據高軒望未闕夫欲千里而咫尺未發榮竊恐為故棄人乘斯時也猶遇衡之赴

深林蠹蝨之趣大沛胡為嚙嚙而久沉滯也答曰有是言乎子苟欲勉我以世路不知其跌而失吾之度也古者陰陽始分天地初制皇綱無緒帝紀乃設傳序歷數三代典滅昔大庭尚矣赫胥罔識淳樸散離人物錯乖高辛牧降厥趣各違道無常稽與時張弛失仁為非得義為是君子通變各審所履故士或掩目而淵潛或盟耳而山棲或草耕而僅飽或木茹而長饑或重聘而不來或屢黜而不去或冒詢以干進或望色而斯舉或以役夫發憂於王公或以漁父見兆於元龜若夫紛纒塞路凶虐播流人有昏墊之厄主有疇咨之憂條垂蕭蕭上下相求於是乎賢人授手援世之災跋涉赴俗急斯時也昔堯舍感而卑陶謨高祖歎而子房慮禍不散而曹絳奮結不解而陳平權及其策合道從克亂弭衝乃將鏤元圭冊顯功銘昆吾之冶勒景囊之鐘與其有事則褰裳濡足冠挂不顧人溺不拯則非仁也當其無事則躡屢整襟規矩其步德讓不修則非忠也是以險則救俗平則守禮舉以公心不私其體今聖上之育斯人也樸以皇質雕以唐文六合怡怡比屋為仁壹天下之衆異齊品類之萬殊參差同量環治一陶羣生得理庶績其凝家家有以樂和人人有以自優威械藏而俎豆布六典陳而九刑厝濟茲兆庶出於平易之路雖有力牧之略尚父之屬伊臯不論奚事范蔡夫廣厦成而茂木暢遠求存而良馬繫陰事終而水宿藏場功畢而大火入方斯之際處士山積學者川流衣裳被宇冠蓋雲浮譬猶衡陽之林岱陰之麓伐尋抱不為之稱藝拱把不為之數悠悠罔極亦各有得彼探其

華我收其實舍之則藏己所學也故進動以道則不辭執珪而秉柱國復靜以理則甘糟糠而安藜藿夫君子非不欲仕也恥夸毗以求舉非不欲室也惡登牆而樓處叫呼衙囂懸旌自表非隨和之實也暴智耀世因以千祿非仲尼之道也游不倫黨苟以徇己汗血競時利合而友子笑我之沉滯吾亦病子屑屑而不已也先人有則而我弗虧行有枉徑而我非隨臧否在予唯世所議固將因天質之自然誦上哲之高訓詠太平之清風行天下之至順懼吾躬之穢德勤百畝之不耘繫余馬以安行俟性命之所存昔孔子起威於夾谷晏嬰發勇於崔杼曹劇舉節於柯盟牛嚴克捷於疆禦范蠡錯執於會稽伍員樹功於柏舉魯連辯言以退燕包胥畢辭而存楚唐且華顛以悟秦甘羅童牙而報趙原哀見廉於壺飡宣孟收德於束脯吳札結信於丘木展季効貞於門女顏回明仁於度轍程嬰顯義於趙武僕誠不能編德於數者竊慕古人之所序

與李文德書

延篤

夫道之將廢所謂命也流聞乃欲相為求還東觀來命雖篤所未敢當吾嘗味爽梳梳坐於客堂朝則誦義文之易虞夏之書歷公旦之典禮覽仲尼之春秋夕則消搖內階誦詩南軒百家衆氏投閒而作洋洋乎其盈耳也漢爛今其溢目也紛紛欣欣兮其獨樂也當此之時不知天之為蓋地之為輿不知世之有人己之有軀也雖漸離擊筑傍若無人高鳳讀書不知暴雨方之於吾未足孔也且吾自束修以來為人臣不陷於不忠為人子不陷於不孝上交不陷下交

不難從此而歿下見先君遠祖可不慙報如此而不以善止者恐如教羿射者也慎勿迷其本葉其生也

述志令

曹操

孤始舉孝廉年少自以本非巖穴知名之士恐為海內人之所見凡愚欲為一郡守好作政教以建立名譽使世士明知之故在濟南始除殘去穢平心選舉違迂諸常侍以為強豪所忿恐致家禍故以病還去官之後年紀尚少顧視同歲中年有五十未名為老自內圖之從此却去二十年待天下清乃與同歲中始舉者等耳故以四時歸鄉里於譙東五十里築精舍欲秋夏讀書冬春射獵求底下之地欲以泥水自蔽絕賓客往來之望然不能得如意後徵為都尉還典軍校尉意遂更欲為國家討賊立功欲望封侯作征西將軍然後題墓道言漢故征西將軍曹侯之墓此其志也而遭值董卓之難與舉義兵是時合兵能多得耳然常自損不欲多之所以然者兵多意盛與強敵爭尚更為禍始故汴水之戰數千後還到揚州更募亦復不過三千人此其本志有限也後領兖州破降黃巾三十萬眾又袁術僭號於九江下皆稱臣名門曰建號門衣被皆為天子之制兩婦預爭為皇后志計已定人有勸術使遂即帝位露布天下答言曹公尚在未可也後孤討擒其四將獲其人眾遂使術窮亡解沮發病而死及至袁紹據河北兵勢強盛孤自度勢實不敵之但計投死為國以義滅身足垂於後幸而破紹梟其二子又劉表自以為宗室包藏奸心乍前乍却以觀世事據有荊州孤復定之遂平天下身為宰相人臣之貴已極意望已過矣今孤言

此若為自大欲人言盡故無諱耳設使國家無有孤不知當幾人稱帝幾人稱王或者人見孤強盛又性不信天命之事恐私心相評言有不遜之志妄相付度每用耿耿齊桓管文所以垂稱至今日者以其兵勢廣大猶能奉事周室也論語云三分天下有其二以服事殷周之德可謂至德矣夫能以大事小也昔樂毅走趙趙王欲與之圖燕樂毅伏而垂泣對曰臣事昭王猶事大王臣若獲戾放在他國沒世然後已不忍謀趙之徒隸况燕後嗣乎胡亥之殺蒙恬也恬曰自吾先人及至子孫積信於秦三世矣今臣將兵三十餘萬其勢足以背叛然自知必死而守義者不敢辱先人之教以忘先王也孤每讀此二人書未嘗不愴然流涕也孤祖父以至孤身皆當親重之任可謂見信者矣以及子桓兄弟過於三世矣孤非徒對諸君說此也常以語妻妾皆令深知此意孤謂之言顧我萬年之後汝曹皆當出嫁欲令傳道吾心使他人皆知之孤此言皆肝膈之要也所以勤勤懇懇叙心腹者見周公金縢之書以自明恐人不信之故然欲孤便爾委捐所典兵衆以還執事歸就武平侯國實不可也何者誠恐已離兵為人所禍也既為子孫計又已敗則國家傾危是以不得慕虛名而處實禍此所不得為也前朝恩封三子為侯固辭不受今更欲受之非欲復以為榮欲以為外援為萬安計孤聞介推之避晉封申胥之逃楚實未嘗不念書而歎有以自省也奉國威靈仗鉞征伐推弱以克強處小而擒大意之所圖動無違事心之所慮何向不濟遂蕩平天下不辱主命可謂天助漢室非人力也然封

兼四縣食戶二萬何德堪之江湖未靜不可讓位至於邑土可得而辭今上還陽夏枯苦三縣戶二萬但食武平萬戶且以分相誘議少減孤之責也

悲思賦

魏曹植

四節更王今秋氣悲遠思情愴分若有遺原野蕭條兮烟無依雲高氣靜兮露凝殘野草變色兮草葉稀鳴咽抱木兮雁南飛歸至解索兮步履前月光照懷兮星依天居一世兮芳景遷松喬難慕兮誰能仙長短命也兮獨何怨

幽思賦

前人

倚高臺之曲隅處幽僻之閒深望翔雲之悠悠光朝霽而夕陰顧秋華而零落感歲暮而傷心觀鴈飛於南洛聆鳴鶴於北林揚素筆而慷慨揚大雅之哀吟仰清風以嘆息寄余思於悲絃信有心而在遠重登高以臨川何余心之煩錯車輪墨之能傳

元暢賦

前人

夫富者非財也貴者非貴也或有輕爵祿而重榮聲者或有反性命而徇功名者是以孔老異情楊墨殊義聊作斯賦名曰元暢
夫何希世之大人整天壤而作皇該仁聖之上義據神位以統方補五常之漏闕繼三代以維綱倪余生之倖祿遊九二之嘉祥上同契於稷尚降合頤於伊望思薦寶以繼佩怨和璞之始鑄思黃鍾以協律怨伶變之不存嗟所圖之莫合悵茲結而延行希鵬舉以搏天賦青雲而奮羽企鵠躍而改儒任中才之展御望前軌而致策顧後來而安驅匪逕邁之短修取全貞而保素弘追德以為宇樂無怨以作潘潛悲惠

以爲園耕桑順以爲田不塊景而慚愧信樂天之何
欲選千載而流聲超遺黎而度俗

感節賦

前人

攜友生而游觀盡資主之所求登高壙以未望羣
日以忘憂欣陽春之潛潤樂時澤之惠休望候馬之
翔集想元鳥之來游嗟征夫之長動雖處逸而懷愁
懼天河之一廻沒我身乎長流豈吾鄉之足顧繼祖
宗之靈丘唯人生之忽過若鑿石之未燬墓牛山之
哀泣懼平仲之我笑折若華之翳日庶朱光之常照
願寄軀於飛蓬乘陽風而遠飄亮吾志之不從乃捐
心以歎思青雲鬱其西翔飛鳥翮而上匿欲縱體而
從之哀余身之無真大風隱其四起揚黃塵之冥冥
鳥獸驚以求羣草木紛其揚葉見遊魚之濔濔感流
波之悲聲內紆曲而潛結心相協以中驚匪榮德之
累身恐年命之早零慕歸全之明義庶不忝乎所生

潛志賦

前人

潛大道以遊志希在昔之遐烈矯貞亮以作矢常苑
囿乎早藝驪仁義以爲禽必忠信而後發退隱身以
滅跡進出世而取容且權剛而和謀接虔肅以靜恭
亮知榮而守辱匪徇天以爲通

七啓

前人

昔枚乘作七發傳毅作七激張衡作七辯崔駰作
七休辭各美麗予有慕之焉遂作七啓并命王象
作焉

元微子隱居大荒之庭飛遊離俗遊神定靈輕祿傲
貴與物無營耽虛好靜表此末生編馳思乎天聖之
際無物象而能傾於是鏡機子聞而將往說焉獨超

野之馳乘追風之與經迴漠出幽壙入乎泱泱之野
遂居元微子之所居其居也左激水右高岑背洞壑
對芳林冠皮弁被文裘出山岫之潛穴倚峻崖而嬉
游志飄飄焉嵯峨焉似若狹六合而隘九州若將飛
而未逝若舉翼而中流於是鏡機子攀葛藟而登距
岳而立順風而稱曰予聞君子不遜俗而遺名智士
不背世而滅動今吾子棄道藝之華遺仁義之英耗
精神乎虛廓廢人事之紀經譬若畫形於無象造響
於無聲未之思乎何所規之不通也元微子俯而應
之曰噫有是言乎夫太極之初混混未分萬物紛錯
與道俱隆蓋有形必朽有跡必窮茫茫元氣誰知其
終名穢我身位累我躬竊慕古人之所志仰老莊之
遺風假靈龜以托喻寧掉尾於塗中

鏡機子曰夫辯言之艷能使窮澤生流枯木發榮庶
感靈而激神况近在平人情僕將爲君子說遊觀之
至娛演聲色之妖靡論變化之至妙敷道德之弘麗
願聞之乎元微子曰吾子整身倦世探隱拯沉不遠
遐路幸見光臨將敬聽耳以聽玉音

鏡機子曰芳菰精稗霜露露元熊素膚肥羹腴肌
蟬翼之割割纖析微累如疊數離若散雪輕隨風飛
刃不轉切山鵝斤鵝珠翠之珍華芳蓮之果龜膾西
海之飛鱗靡江東之潛鼉騰漢南之鳴鶴糝以芳酸
甘和既醇元冥適賦辱收調辛紫蘭丹椒施和必節
滋味既殊遺芳射越乃有春清縹酒康秋所營應化
則變感氣而成彈徵則苦發扣宮則甘生於是盛以
翠樽酌以雕觴浮蟻鼎沸醅烈馨香可以和精神可以
娛腸此有饌之妙也子能從我而食之乎元微子曰

予甘藜藿未暇此食也
鏡機子曰步光之劍華藻繁飾以文犀雕以翠綠
綴以驪龍之珠錯以荆山之玉陸斷犀象未足稱雋
隨波截鴻水不漸刃九旋之冕散曜垂文華組之纓
從風紛紜佩則結綠懸黎寶之妙微符采照爛流景
揚輝黼黻之服紗縠之裳金華之鳥動趾遺光繁飾
參差微鮮若霜緄佩綢繆或彤或錯薰以幽芳流芳
肆布雍容間步周旋馳驅曜南威爲之解顏西施爲之
巧笑此容飾之妙也子能從我而服之乎元微子曰
予好毛褐未暇此服也

鏡機子曰馳騁足用蕩思遊獵可以娛情僕將爲吾
子駕雲龍之飛馴飾玉輅之繁纓垂宛虹之長綏抗
招搖之華旂插忘歸之矢乘繁弱之弓忽躡景而輕
驚逸奔驥而超遺風於是礮填公塞榛藪平夷綠山
置置彌野張罟下無漏跡上無逸飛鳥集獸屯然後
會圍獫狝雲布武騎籌散丹旗耀野戈交陪肝曳文
狐掩狡兔捎鵠鵠排振驚當軌見藉值足遇踐飛軒
電逝獸隨輪轉翼不暇張足不及騰動觸鋒鋒舉挂
輕骨搜林索險探薄窮阻騰山赴壑風厲森舉機不
虛發中必飲羽於是人稠網密地逼勢脇呼噪之獸
張牙奮鬣志在觸突猛氣不懼乃使北宮東郭之儔
生抽豹尾分裂羆羆形不抗手骨不隱拳批熊碎掌
拉虎摧斑野無毛數林無羽羣獸歎如陵虎翻成雲
於是駭鐘鳴鼓收旌弛飾頓網縱網羅猱回遁駭駭
齊驤揚鸞飛沫俯倚金較仰撫翠蓋雍容暇豫娛志
方外此羽獵之妙也子能從我而觀之乎元微子曰
予性樂恬靜未暇此觀也

鏡機子曰聞宮顯散雲星皓肝崇景山之高基迎清風而立觀形軒紫柱文樓華梁綺并含葩金墀玉廟溫房則冬服絺綌清室則中夏含霜華閣綠雲飛陸凌虛俯眺流星仰觀八隅升龍攀而不逮眇天際而高居繁巧神怪變名異形班輪無所措其斧斤離婁爲之失睛麗草交植殊品詭類綠葉朱榮熙天曜日素水盈沼叢木成林飛閣陵高鱗甲隱深於是逍遙暇豫忽若忘歸乃使任子垂釣魏氏發機芳餌沉水輕繳弋飛落野雲之翔鳥援九淵之靈龜然後採菱華擢水蘋弄蛛蟀戲鮫人諷漢廣之所詠觀遊女於水濱耀神景於中沚被輕縠之纖羅遺芳烈而靜步抗皓手而清歌歌曰望雲際兮有好仇天路長兮往無由佩蘭蕙兮爲誰修嬋婉絕兮我心愁此宮館之妙也子能從我而居之乎元微子曰予航巖穴未暇此居也

鏡機子曰既遊觀中原逍遙閒居情放志蕩淫樂未終亦將有才人妙妓遺世越俗揚北里之流聲紹陽阿之妙曲爾乃御文軒臨洞庭琴瑟交揮左虎右笙鐘鼓俱振簫管齊鳴然後妓人乃被文縠之華往振輕綺之飄飄戴金搖之熠燿揚翠羽之雙翹揮流芳耀飛文歷盤鼓煥續紛長裾隨風悲歌入雲騰捷若飛蹈虛遠蹠陵躍超驤蛇蟬揮霍翔爾鴻蕭蕭然覺沒縱輕體以迅赴景追形而不逮飛聲激塵依違厲響才捷若神形難爲象於是爲歡未溲白日西頹散樂變飾微步中閨元眉弛兮鉛華落收亂髮兮拂蘭澤形媚服兮揚幽若紅顏含笑盼盼流光時與吾子攜手同行踐飛除即間房華燭爛帳幕張動朱脣發

清商揚羅袂振華裳九秋之夕爲歡未央此聲色之妙也子能從我而遊之乎元微子曰予願清虛未暇此遊也

鏡機子曰予聞君子樂奮飾以顯義烈士甘危軀以成仁是以雄俊之徒交黨結倫重氣輕命感分遺身故田光伏劍於北燕公叔畢命於西秦果毅輕斷虎步谷風威懾萬乘夏稱雄詞未及終而元微子曰善鏡機子曰此乃遊俠之徒耳未足稱妙也若夫田文無忌之儔乃上古之俊公子也皆飛仁揚義騰躍道藝遊心無方抗志雲際陵轡諸侯驅馳當世揮袂則九野生風慷慨則氣成虹蜺吾子若當此之時能從我而友之乎元微子曰予亮願焉然方於大道有累如何

鏡機子曰世有聖宰翼帝霸世同量乾坤等曜日月元化參神與靈合契惠澤播於黎苗威靈振乎無外超隆平於殷周踵義皇而齊秦顯朝惟清王道遐均民望如草我澤如春河濱無洗耳之士喬嶽無巢居之民是以俊又來仕觀國之光舉不遺材進各異方讚典禮於辟雍講文德於明堂正流俗之華說綜孔氏之舊章散樂移風國富民康神應休臻屢獲嘉祥故甘露紛而晨降景星宵而舒光觀遊龍於神淵聆鳴鳳於高岡此霸道之至隆而雍熙之盛際然主上猶尚以沈思之未廣懼聲教之未厲采英奇於仄陋宣皇明於巖穴此賓子商歌之秋而呂望所以投綸而逝也吾子爲太和之民不欲仕陶唐之世乎於是元微子攘袂而興曰偉哉言乎近者吾子所述華淫欲以厲我祇攪予心至聞天下穆清明君莅國覽盈

虛之正義知頑素之迷惑令予節爾身輕若飛願反初服從子而歸

九詠

前人

芙蓉重分桂樹結萍蓋分翠旌烟媚蜺虬兮翼轂駕陵魚兮騁鯨苗薦兮蘭席蕙帳兮琴牀抗南箕兮鑒瓊璫挹天河兮潏玉觴靈既降兮泊靜猗登文階兮生紫房服春榮兮倚屏雲裾繞兮各商冠北辰兮岌岌帶長虹兮陵厲蘭有御兮玉組陳雅言兮奏兮文虞羅感漢廣兮羨游女揚激楚兮詠湘妃臨迴風兮浮漢渚日牽牛兮眺織女交有際兮各有期嗟痛吾兮來不賄來無見兮進無聞泣下雨兮嘆成雲先後悔其靡及冀后王之一悟猶揚轡而繁策馳覆車之危路聖乘舟而無柁將何川而能渡何世俗之蒙昧悼邦國之未靜焚椒蘭其望治由倒裳而求領尋湘漢之長流採芳岸之靈芝遇游女於水裔探菱花而結詞野蕭條以極望曠千里而無人民生期於必死何自苦以終身車作清水之沉泥不爲濁路之飛塵

遂志賦

劉楨

幸遇明后因志東傾披此豐草乃命小生之小矣何茲云當牧馬於路役車低昂憤悵惻切我獨西行去峻溪之鴻洞觀日晏於朝陽釋叢棘之餘閑踐橫林之柔芳瞰玉漿以曜目榮日華以舒光信此山之多靈何神分之煌煌聊且遊觀周歷高岑仰攀高枝側身道陰礧礧欄欄以廣其心伊天皇之樹業必結根於仁方拊吳夷於東隅犁畔臣乎南荆敢干戈於內庫我馬繫而不行揚其思於無涯瀝頌聲之洋洋四寓漢以無爲元道穆以昔將異後又於上列退仄

墮於下場裝初服之無歲託葉蘆以遊翔豈放言而云爾乃旦夕之可忘

答伏義書

阮籍

籍白承音覽旨有心翰跡夫九蒼之高迅羽不能尋其巔四冥之深幽鑠不能測其底矧無毛分所能論故且元雲無定體應龍不常儀或朝濟夕卷翕忽代興或泥潛天飛晨降宵升舒體則八維不足暢迹促節則無間足以從容是又瞽夫所不能瞻瓊蟲所不能解也然則弘修淵遊者非近力所能究矣靈變神化者非局器所能參矣何吾子之區區而言眞之務求乎人力勢不能齊好尚舛異鸞鳳凌雲漢以舞翼鳩鵲悅蓬林以翔翔蜻浮八濱以濯鱗龍興行潦而草逝斯用情各從其好以取樂焉據此非復胡可齊乎夫人之立節也將舒綱以籠世豈樽樽以入罔方開模以範俗何暇毀質以適檢若良運未協神機無准則騰精抗志邈世高超蕩精舉於元匠之表據妙節於九垓之外而翱翔之乘景躡蹕踰陵忽恍從容與道化同迢迢遙與日月並流玄名虛以齊愛及英祇以等化上乎無上下乎無下居乎無室出乎無門齊萬物之去留隨六氣之虛盈總元綱於太極撫天一於廖廓飄埃不能揚其波飛塵不能垢其潔徒奇形軀於斯域何精神之可泰雖業無不閱略無不稱而明有所逮未可怪也觀吾子之趨欲街傾城之全求百錢之售制造天之禮候膚寸之檢勞玉躬以役物守厥操以自畢沉牛跡之泥濘憫河漢之無根其陋可醜其事可悲亮規略之懸隔信大道之弘幽且局步於常衢無爲思遠以自愁比運珍憤力喻不多

阮籍白

懷思賦

夏侯惇

何天地之悠長悼人生之短淺思縱欲以求歡苟抑沉以避免嗟聖王之制作所以貴夫善善信循道以從法何世路之迤邐始潔操以迄今每適道而靡達思典言以攝事弗履過而循非恆戰戰以兢兢杜穢豐而防微敏規節以踐跡冀天鑒之佑誠勤恭肅以端厲常苦心而勞形桑榆淹其薄沒既白首而無成世務多故吾固甘夫無爲名不足以爲尚空勞穢以白卑永無事以安神幸歿世之無知

與從弟書

晉辛祐

吾以布衣忝荷重任每以尸素爲愧大命既隆惟江南未夷此人臣之責是以不量所能畢力吳會當憑朝廷之威賴士大夫之謀以余克之舉除萬世之患年已朽老既定邊事當有角巾東路還歸鄉里於墳墓側爲容棺之墟假日視息思與後生味道此吾之至願也以凡才而居重位何能不懼盈滿受責邪疏廣吾師也聖主明恕當不奪微志爾

送志賦

陸機

昔崔篆作詩以明道述志而馮衍又作顯志賦班固作幽通賦皆相依倣焉張衡思元蔡邕元表張叔哀系此前世之可得言者也崔氏簡而有情顯志壯而泛濫哀系俗而時靡元表雅而微素思元精練而和惠慈麗前人而優游清典漏幽通矣班生彬彬切而不絞哀而不怨矣崔蔡冲虛溫敏雅之屬也衍抑揚頓挫怨之徒也豈亦窮達異事而聲爲情變乎余備托作者之末聊復用心焉

武定鼎于洛汭胡受瑞于汝墳絲鳴鳳于百祀啓敬仲乎方震苟天光之所照豈舜族其必陳厭禪祀于故墟亭輪祭于東鄰禍八葉而相茂舞九韶乎降神系江更于海曲表滄流于遠震仰前蹤之繇邈豈孤人之能冒匪世祿之敢懷傷茲堂之不構理或廢而後合道有夷而弗順傳機崑而神交伊荷鼎以自進蕭綱繆于豐沛故攀龍而先躍陳頌委于楚魏亦凌霄以自濯伍被刑而伏劍魏和我而擁衆彼殊塗而並致此同川而偏溺禍無景而易逢福有時而難學惟萬物之運動雖紛紛而相襲隨性類以曲成故圓行而方立要信心而委命援前修以自程擬遺跡于成軌詠新曲于故聲任窮達以逝止亦進仕而退耕庶斯言之不渝抱耿介以成名

思游賦

陸虞

虞嘗以死生有命富貴在天天之所祐者義也人之所助者信也履信思順所以延福違此而行所以速禍然道長世短禍福舛錯休迫之徒不知所守蕩而積憤或迷或放借之以身假之以事先陳處世不遇之難遂乘彝倫輕舉遠遊以極常人罔惑之情而後引之以正反之以義推神明之應於視聽之表崇否泰之運於智力之外以明天任命之不可違故作思游賦其辭曰有軒轅之遐胃兮氏仲王之洪敷敦華類於末葉今晞靈根於上世準乾坤以幹度兮儀陰陽以定制匪時運其焉行兮乘太虛而遙曳戴明月之高冠兮綴太白之明璫製文竟以爲衣兮襲采雲以爲裳要華電之煜燿兮佩玉衡之琳琅明景日以鑒形兮信煥

耀而重光至美詭好於凡觀今修稀合而靡呈燕石
提襲以華國今和璞遙棄於南荆夏像輶塵於市北
今瓶豐抗方於兩楹鸞皇耿介而偏棲今蘭桂肯時
而獨榮關寒暑以練真今豈改容而爽情感昆吾之
易越今懷暉光之速暮羨一稔而三春今尚含英以
容豫悼曜靈之靡暇今限天曆之有度聆鳴蜩之號
節今恐隕葉於凝露希前軌而增驚今眷後塵而旋
顧往者倏忽而不逮今來者冥昧而未著二儀泊焉
其無央今四節環轉而靡窮星鳥逝而時反今夕景
潛而且融曼三后之在天今歎聖哲之永終諒道修
而命微今執舍盈而戢冲握隋珠與薰若今時莫悅
而未遑彼未遑其何恤今懼獨美之有傷蹇委深而
投粵今庶芬藻之不彰芳處幽而彌馨今寶在夜而
愈光逼區內之迫脅今思摠翼乎八荒望雲階之崇
壯今願輕舉而高翔造庖犧以問象今辨吉繇於姬
文將遠遊於太初今鑒形魄之未分四靈儼而爲衛
今六氣紛以成羣騷白獸於商風今御蒼龍於景雲
簡斯徒於靈圖今從馮夷而問津召陵陽於游谿今
旌王子於柏人前祝融以掌燧今殿元冥以掩塵形
影影而遂遐今氣臺臺而愈新挹玉膏於萊嶠今擬
芝英於瀛濱揖太真以假想今聽賦政於三春洪範
翕而復張今百卉隕而更震聯玉女之紛影今執鸞
筐於扶木覽元象之韓瞻今仍騰躍乎陽谷吸朝霞
以療饑今降虞泉而濯足將縱轡以逍遙今恨東極
之路促詔織阿而右迴今覲朱明之赫戲莅羣神於
夏庭今迴蒼梧而結知纒焦明以承旂今咀天馬而
高馳譏羲和於丹丘今謂倒景之亂儀尋凱風而南

暨今謝太陽於炎離咸溽暑之陶鬱今余安能平留
斯聞碧鷁之長晨今吾將往乎西游粵浮鴻於弱水
今泊舳艫於中流荷精粹之攸存今誠沉羽以汎舟
軼望舒以陵厲兮羌神漂而氣浮訊碩老於金室今
采舊聞於前修設論陰於危山今問王母於椒丘觀
元鳥之參趾今會根臺之神霄擾兔免於月窟今詰
姮娥於孽收愛攬轡而旋驅今訪北夷之倚伏棄增
冰而遂濟今凌固陰之所濬探龜蛇於幽穴今瞰四
養之潛有晒倏忽之躁狂今喪中黃於耳目值燭龍
而游衍今窮大明於北陸攀招搖而上瞻今忽蹈廓
而凌虛登閭闔而遺眷今頽元黃於地輿名黔雷以
先導今觀天帝於清都觀渾儀以寓目今拊造化之
大爐爰辨惑於上皇今稽吉凶之元符唐則天而民
咨今癸亂常而威虞孔揮涕於西符今臧老祥於婁
句距肆暴而保父今顏履仁而風阻何否泰之靡所
今眩榮辱之不圖運可期今不可思道可知今不可
爲求之者勞今欲之者惑信天命今理乃自得且
以四位爲匠乾坤爲鈞散而爲物結而爲人陽降陰
升一替一興流而爲川滯而爲陵禍不可厭福不可
徵其否今有豫其泰今有數成形今未察靈保今已
固承明訓以發蒙今審性命之靡求將澄神而守一
今奚飄飄而遐遊斐陳辭以告退今主悃悃而永歎
惟升降之不仍今詠別易而會難願大饗以致好今
蓋息駕於一餐會司儀於有始今延嘉賓於九乾陳
鈞天之廣樂今展萬舞之至歡枉矢燦其在手今桓
孤翩其斯鸞脫翟犬於帝側今殢熊羆於靈軒爾乃
清道夙興載輪修祖班命受號輶輶整旅兆司轡以

屈路今萬靈奔而陳庭豐隆軒其警衆今飭陳師以
屬兵璫輿練而進時今文昌肅以司行抗最尤之修
旂今建雄虹之采旌乘雲車電輶之扶輿垂移今駕
應龍青虬之容裔陸離備游光逸景候燦輝霍今仰
流旌垂旒森攸纖纒而湛湛而攝進今後僕僕而方
馳且啓行於車陽今奄殺觀乎少儀踴列缺今闕乾
坤揮玉關今出大門涉漢津今望昆崙經赤霄今臨
元根觀品物今終復魂形已消今氣猶存眺懸舟之
離離今懷舊都之舊諒仍繁榮而督引今將過降而
速進華雲依霏而翼衛今日月炫晃而映蓋蹈烟熅
今醉天衢心闊易今識故居路運適今情欣欣奄忽
歸今反常閭修中和今崇彝倫大道繇今味琴書樂
自然今識窮達潛無思今心恆娛

中懷賦

傅咸

余自咸寧謬爲衆論所許補太子洗馬才不稱職
而意常惛然作中懷賦
何天施之弘普爾瓦礫於瓊瑤備東宮之妙選奉諸
君之聖明穆穆清禁濟濟羣英翺翔鳳集羽儀上京
芬芳並發我穢其馨德音光宣我累厥聲豈伊不媿
顧影慙形雖自迫於限越懼恩隆而命輕命既輕而
才下諒無補於明時寒賢哲之顯路而塵損之日滋
匪耽榮而忘替實結縉之有違忍厚頤於羣類甘獲
戾而受譴不悟皇恩之彌崇授大縣乎近畿畿云近
而防遠情眷眷而含悲悲惻惻兼懷憂慮深雅可南
面千載歸心微徵小子斯之莫任莫斯之任求仁在
我將反初服畢志訓雅盡烏烏之至情竭歡敬於膝
下進抗疏以歸誠退抽簪而脂車庶所乞之克從永

收迹於蓬廬

述志賦

李嵩

萬當呂氏之末爲羣雄所率逐辟霸圖兵無血刃
坐定千里謂張氏之業指期而成河西十郡歲月
而一旣而禿髮僭擅入據姑臧沮渠蒙遜基宇稍
廣於是慨然著述志賦焉其辭曰

涉至虛以誕網乘有與於本無元元而陶行承景
靈之冥符蔭朝雲之菴謁仰副日之照煦既既載
以有以成功希頤于曲肱之榮游心上典玩禮敦經
覓元冕於朱門羨漆園之傲生尚漁父於滄浪普沮
溺之耦耕機鴻焉之籠嚇欽飛鳳於太清杜世號於
方寸絕時譽之嘉聲超霄吟於崇嶺奇秀不之愛霜
挺修幹之青葱經歲寒而彌芳情逍遙以遠寄想四
老之暉光將戢繁榮於常衢控雲轡而高騁攀瓊枝
於元圃漱華泉之滌榮和吟鳳之逸響應鳴鸞於南
岡時弗獲形心往形留眷駕陽林苑百一丘衝風沐
雨載沉載浮利害續紛以交錯歡感循環而相求乾
軍奄寂以重閉天池絕津而無舟悼貞信之迫薄謝
慙德於團流遂乃士元覽應世實鑒弱市於東宮並
羽儀於英倫踐宣德之祕庭冀明后於紫宸赫赫
光崇明奕奕爰爰王居詵詵百辟君希虞夏臣庶夔
益張王類嚴梁后墜壑淳風杳杳以永喪縉紳淪胥
而覆溺呂發量於閭閻厥構推以傾軋災風颶於高
木迴湯沸於重泉飛塵翕以蔽日大火炎其燎原名
都幽然影絕千邑閭而無烟斯乃百六之恆數起滅
相因而迭然於是人亦逐鹿之圖家有雄霸之想聞
王命而不尋數非分於無象放履車接路而繼軌膏

生靈於土壤哀餘類之怙情遐靡依而靡仰求欲專
而失逾遠奇元珠於罔象悠悠涼道翰焉荒凶杪杪
余躬迨迨西邦非相期之所會諒冥契而來同跨弱
水以建基蹕崑崙以爲壘總奔駟之駭轡接摧轅於
峻峯崇崖嵯峨重險萬尋元遂窈窕磐紆欽岑榛棘
交橫河廣水深狐狸夾路鴟鵂羣吟挺非我以爲用
任至當如影響執同心以御物懷自彼於握掌匪矯
情而任荒乃冥合而一往華德是用來庭野逸所以
就執休矣時英茂哉備哲庶羣網以遠籠豈徒射鉤
與斬秋或脫桎而纓綈或後至而先列採殊才於嚴
陸拔超彥於無際思留侯之神遇振高浪以蕩機想
孔明於草廬運元籌之罔滯洪操榮而慷慨起三軍
以激銳詠羣豪之高軌嘉關張之飄傑誓報曹而歸
劉何義勇之超出據斷橋而橫矛亦雄姿之壯發輝
輝南珍英英周魯挺奇荆吳昭文烈武建策烏林龍
驤江浦摧堂堂之勁陣鸞風翔而雲舉紹樊韓之遠
颺倬微猷於召武非劉孫之鴻度孰能臻茲大祐信
乾坤之相成庶物希風而潤雨瞻益既蕩三江已清
穆穆盛動濟濟隆平御羣龍而奮策彌萬載以飛榮
仰遺塵於絕代企高山而景行將建朱旗以啓路驅
長轂而迅征靡商風以抗旆拂招搖之華旌資神兆
於皇極協五緯之所寧赴赴平城翼翼上彌忭誠奔
敵救彼醜類且灑遊塵於當陽拯涼德於已墜閭昌
寓之騷乘暨襄城而按轡知去害之在茲體牧童之
所述審機動之至微思遺殞而忘寐表略韻於純素
託精誠於白日

欽定古今圖書集成明倫彙編人事典

第五十八卷目錄

志願部藝文二

與羊希書

懷舊志序

言志賦

元覽賦

七契

七召

修心賦

辭行李賦

宋周朗

梁元帝

同前

同前

蕭統

何遜

陳江總

前人

人事典第五十八卷

志願部藝文二

與羊希書

宋周朗

朗為江夏王義恭太尉叅軍元嘉二十七年春朝議當遣義恭出鎮彭城為北討大統朗聞之解職及義恭出鎮府主簿羊希從行與朗書戲之勸令獻奇進策朗報書曰

羊生足下豈當適使人進哉何卿才之更茂也宅生結意可復佳耳屬華比綵何更工邪視己反覆慰亦

無已觀諸紙上方審卿復達知已動以何術而能每降恩明豈不為足下欣邪然更憂不知卿死所處耳夫匈奴之不誅有日皇居之亡辱舊矣天下孰不憤心悲腸以忿胡人之患靡衣餒食以望國家之師自智士鉗口雄人蓄氣不得議圖邊之事者良淹歲紀今天子以炎軒之德冢輔以姬呂之賢故赫然發怒將以匈奴變旗惻然動仁欲使餘氓被惠及取士之令朝發宰士暮登英豪調兵之詔夕行主公旦升雄俊延賢人者固非一日况復加此焉夫天下之士砥行磨名欲不辱其志氣選奇蓄異將進善於所天非但有建國之謀不及安民之論不與至反以孝潔生議于鄉曲忠烈起誘于君家身不挂王臣之錄名不廁通人之班顛倒國門湮銷丘里者自數十年以往豈一人哉若吾身無他伎而出值明君靈官望主歲增恩賞竟不能柔心飾帶取重左右校于向士則策已多料於今職則笑亦廣而足下方復廣吾以馳志之時求予以安邊之術何足下不知言也若以賢未登則今之登賢如此以才應進則吾之非才若是豈可欲以殞海之警望鼓鯁于豎鱗之肆墜風之羽觀振翻于軒輿之間其不能俱陪涿水並負青天可無待于明見若乃闕奇謀深智之術無悅主狎俗之能亦不可復稍為卿說但觀以上國再毀之臣望府一逐之吏當復是天下才否此皆足下所親知吾雖疲冗亦嘗聽君子之餘論豈敢忘之凡士之置身有三耳一則雲戶岫寢樂危桂榮林之浮霜翦松沉雪憐肌蓄髓寶氣愛魂非但土石侯卿腐鳩梁錦實過貯意天后睨目羽人次則剌心掃智剖命驅生橫議于

雲臺之下切辭于宣室之上桓王德而批民愚進良白而散奸猜委玉人而齊聲禮竭金出而亨勃寇使車軌一風同道其德令功日濟而己無跡道日富而君難名致諸侯敏乎天子改觀其末則餐粉而出望旂而入結冤兩宮之下鼓袖六王之間倪眉賜肩言天下之道德顯目扼腕陳從橫于四海理有泰則止而進調覺廷則反而還閑居違官交造恒罷捐幕還憂夷敗銷譽呼喻以補其氣繼爵以輔其生凡此三者皆志士仁人之所行非吾之所能也若吾幸病不及死役不至身羣慕既滿方杜長者之報殺報是詔自絕世豪之顧塵生豚帷若積增月又樞中山木時華月深池上海草歲榮日變且室間軒左幸有陳書十篋席隅吳右頗得有酒數壺按絃拭徽仇方校石時復陳局露初爰爵星晚曜然不覺是羲軒後也近春田三頃秋園五畦若此無吳山裝可具候振飲之罷侯封勒之畢當敬觀外郭肅肅伊邇傍眺燕隴邪履逸徇視我周之軫迹中他賢之憂天當其少涉未休此欲但當實說固物好交加或微勢而笑其言或觀謀而害其意夫楊朱以此猶見嗤于梁人况才減楊子之器物甚魏君之意者哉若如漢宗之言李廣此固許天下之有才又知天下之時非也豈若黨巷閭里之間忌見良士之遭遇便謂是戚獲庸庸人之徒耳士固顧呈心于其主露奇于所歸卿相末事也若廣者何用侯為至迺復有致謁于為亂之日被誅于害正之徒心奇而無由露事直而變為枉豈不痛哉豈不痛哉若是下可謂冠負日月籍踐淵海心支身首無不通照今復出入燕河交關姬衛整芴振家已

議于帷筵之上提鞭鳴劍復阿於軍場之間身超每
深恩之所集心動必明主之所亮可不直議正身輔
人君之過誤明目張膽謀軍家之得失操志勇之將
薦俊正之士此遇足下之所以報也不爾便撥甲修
戈徘徊左右衛君王之身當馬首之鎗關必固之壘
交死進之戰使身分而主豫寇滅而兵全此亦報之
次也如是則繫何奴干北國無日矣亡但默默窺龍
而坐謂子有心故書薄意

懷舊志序

梁元帝

吾自北守琅臺東探禹穴觀濟廣陵面金湯之設險
方舟宛委眺玉箭之干霄臨水登山倚嘯侶中牛
承之攝牧神州威里英賢商冠髦俊蔭長之弱柳
觀茂弘之舞鶴清酒繼進甘果徐行長安郡公爲其
延譽扶風長者刷其羽毛於是駉伏熊迴結駟命鄒
湛召王祥顧而言曰斯樂雖長誠有之矣日月不居
零露相半素車白馬往矣不追春華秋實懷哉何已
獨軫魂交情深宿草故備書爵里陳懷舊焉

言志賦

同前

天文既表人文可觀知負辰之未易信握鏡之云難
差立極而補天驗璧合而珠連有庖羲之八索稱朱
嬰之五絃聞夏王之鑄鼎重農皇之播田雖車軌之
未同賣彌魂於棟隆戮封豕於海內斬長狄於區中
懷宿昔之瑛瑤並來遊於兔園悲元瑜之已逝歎靈
光之獨存想延賓於北閣因真酒於南軒聞鷓鴣而
懷友聽長笛其何言風有向於清靜明再入於郢都
東窺文命之穴南望洪崖之井遂攜運而登庸謬垂
旒而卷領雖有愧於前樊每求衣於未明召司短而

照夜觀執珪而滿庭誠雖休以勿休實旨酒之忘憂
絕陽阿之妙舞廢縣駒之善謳彼知止與知足復何
營而何欲柱何用於黃金案寧勞於青玉爾乃高步
北園用蕩囂煩柱偃蹇而臨棟石穹隆而架門對灌
木之修聳觀激水之飛奔澗不風而自響天無雲而
晝昏聞賓鴻之夜飛想過沛而霑衣况登樓而作賦
望淮海而思歸

元覽賦

同前

歲次旃蒙月建司空變凌陰之呂扇廣莫之風蕭子
寥帷九水作牧三宮乃肝衡而言曰惟天爲大惟堯
則之惟地蓋厚惟王國之粵我皇之握鏡實乃神而
乃聖陳六聯於八則弘九職於三令運璇樞而御宇
執玉衡而齊政大矣廣矣無德而稱俯輒輟於軒義
諒斗筭於子姒包河圖與洛書括龍官乎風紀超大
德於百王高鴻名於萬祀惟天縱於副后踰啓誦而
惟首既倫備於肅成復斷獄於長壽豈止不莊屈膝
將令班鄧捧帶譬衡樽而待酌若懸鐘之須扣前踰
繫象之外聲高洙泗之右伊俯己之顙愚謬聯萼於
天衢登東門而畫野創南國而分墟詔伯宗以爲儔
諱內史而策書用分茲於茅社從侯服而傳予類金
獸以封建非桐珪以錫處爾其湘水之東即我龜蒙
魏甘露而分邑吳太平而定中鎮麟山之崔嵬傍龍
跡共穹隆金城高而相屬石燕起而依風豈連鏡於
分陳義追縱於二公彼琅臺之作守有彭泗之嘉名
殊並海之分地異魚石之所城經沈子之高塘蓋水
運之堤封謝禮樂之干櫓閱武騎之輶衛賦錦車而
前驚驅魚軒而繼蹤無復驚歌風舞雉對綠柳青松

雷吳宮之宿鶯響平陵之夜鐘飛余轡而西征戍太
眞之舊營鳴節鼓之金鉦屯戎車於石城戮滔天之
封豕斬橫海之長鯨每報書而歎息景樹德之風聲
從王役於鏡中浮文鶴而載鴻經謝亭而帳飲想彥
伯之高風度五城而騁望見三翼之無窮故以飛雲
蒼隼白鵲青桐金吾舍利鳴鶴紫官眺方嶽乎雲間
望赤坂之朱殷想眞長之送別懷思曠之還山此槍
檣而方遠彼松舟而未閑倦旅泊於新丘同渭水之
不流或千人而並唱乍萬人之相鉤毀橋由於瓊度
鑿空資於仲謀聯三茅之靈祕懷九轉之仙記紫臺
石室之文青首銀函之字獨有披霧之心彌軫淩雲
之志捫殿碑之槍望挹延州之高讓并瘡沸而蛇蟻
勢崎嶇而低昂見傳巴之度曲開安歌之浩唱想觀
樂乎朝陽憶紆衣乎夕張迴余舫之美風聳余棹乎
雲陽彼桑梓之必敬况粉榆之舊鄉將遊目於五湖
乃浩覽於姑蘇臨闔門之跨水聳重關而開都盼太
伯之上祀爰避國於勾吳去西潁之樂政尊東夷之
楷模時渡谷水之陽尚想嘉禾之方壯慶亭於吳后
雄構李於越王觀泉亭之涌波崖巍巍而峨峨張素
蓋而紫洲嶼馳白馬而越江施鼓洪濤於萬里曾未
動於纖羅及反止乎東甌登玉筍與銅牛山東武而
遙集鳳南海而飛浮嚴亭亭其似蓋氣峇峽其若樓
登舜橋而延首瞰禹井而淹留御史之牀猶在督護
之門不修雖濫同於借寇愧人瘼之何求皇覽接余
之忠誠詔入謁於承明既攝州於淮海且作尹乎中
京慕張生之摘伏挹邊延之勵精珥金貂而待問鳴
玉佩而趨庭兼三河及三輔總九緯乎九經揚玉庭